

Predmet: Zastupnička inicijativa

Poštovani,

Reprezentacija Bosne i Hercegovine kvalifikacije počinje 23. marta 2019. domaćim susretom sa Armenijom, a završava 18. novembra 2019. u Lihtenštajnu.

Raspored utakmica reprezentacije BiH:

- 23. 03. 2019. BiH-Armenija (20:45)
- 26. 03. 2019. BiH-Grčka (20:45)
- 08. 06. 2019. Finska-BiH (18:00)
- 11. 06. 2019. Italija-BiH (20:45)
- 05. 09. 2019. BiH-Lihtenštajn (20:45)
- 08. 09. 2019. Armenija-BiH (18:00)
- 12. 10. 2019. BiH-Finska (18:00)
- 15. 10. 2019. Grčka-BiH (20:45)
- **15. 11. 2019. BiH-Italija (20:45)**
- 18. 11. 2019. Lihtenštajn-BiH (20:45)

Interesovanje BH javnosti za utakmice naše reprezentacije je ogromno. Kapacitet od 12.000 sjedećih mjesta na Bilinom Polju u Zenici i stadionu Grbavica u Sarajevu jje nedostatan i daleko ispod broja zainteresovanih Bosanaca i Hercegovaca koji bi željeli gledati kvalifikacione susrete naše reprezentacije, bez obzira o kakvom protivniku se radi.

Posebna priča je naš domaći susret sa reprezentacijom Italije koji se odigrava 15. novembra 2019.

Italija je favorit naše grupe i realno najbolja i najatraktivnija reprezentacija za gledaoce. U slučaju da stadion Koševo bude domaćin, to bi značilo cca 30.000 gledalaca i prihod NS BiH 940.000 KM. Cijene dole:

Kapacitet tribina i cijene karata:

Sjever i jug (5.000 + 4.000) x 20 KM = 180.000 KM

Istok 8.000 x 30 KM = 240.000 KM

Zapad 13.000 x 40 KM = 520.000 KM

Ovo znači da bi mogli ponuditi 4.000 karata za navijače Italije na južnoj tribini i to je automatski toliki broj inostranih gostiju u min. trodnevnoj posjeti glavnom gradu i BiH. Na ovaj broj Talijana, možemo dodati zasigurno i cifru od nekoliko hiljada Bosanaca iz dijaspore koji u Zenicu i na Grbavicu skoro da ne dolaze zbog nemogućnosti nabavke karata.

Fudbalska reprezentacija Italije je 06.novembra 1995 bila gost naše reprezentacije u prijateljskom susretu koji je BiH dobila sa rezultatom 2:1. Nakon 23 godine ukazala nam se prilika da ih ponovo ugostimo pred punim stadionom u prelijepom ambijentu dubke punog Koševa, što dodatno budi emocije i daje dodatnu draž samoj utakmici na olimpijskom stadionu.

Ako se ovome doda da su realne pretpostavke, da navedena utakmica odlučuje o direktnom plasmanu na Evropsko prvenstvo, to cijeloj priči daje veći značaj i atraktivnost.

Stadion Koševo je po kriteriju infrastrukturnih uslova svrstan u 2. kategoriju (Bilino Polje i Grbavica su 3. kategorija). U toku je rekonstrukcija stadiona, kako bi ispunio uslove za pretkvalifikacione susreta Euro lige. Dio radova je urađen i zbog svečanog otvaranja EYOF-a.

- Pojačana reflektorska rasvjeta
- VIP tenda u loži i nova sjedišta
- Renovirane službene prostorije i press salon
- Novi semafor
- Sigurnosna soba
- Farbanje stadiona i lože za novinare
- Prostor za zagrijavanje igrača
- Renovirane klupe za rezervne igrače

Da bi stadion zadovoljio kriterije 3. kategorije još se mora generalno rekonstruisati travnjak stadiona i na zapadu iznad lože uraditi novinarski prostor. Brojači karata na svim ulazima su u pripreмноj fazi i NSBiH je obavjestio načelnika Ajnadžića da će oni sufinansirati 50 % troškova brojača – cca 200.000 KM (ukupan iznos potreban za brojače karata je cca 400.000 KM).

Procjena je da nedostaju sredstva u iznosu cca 1,7 miliona KM, od toga cca 1,3 miliona za rekonstrukciju travnjaka. S obzirom je kvalitet travnjaka jedan od najbitnih preduslova za vrhunski fudbal, ulaganje u njegovu rekonstrukciju ne treba posmatrati kao trošak nego kao investiciju u segment koji višestruko vraća kako Kantonu tako i cijeloj Državi.

Ograničavajući faktor je što bi rekonstrukcija travnjaka trebala početi 20 maja 2019, kada se završava proljetni dio BH Telecom premijer lige. Drugo ograničenje je ZJN i kratak rok za ugovor, ali bi se ovo možda moglo prevazići na način da se sredstva prenesu npr. FKS koje nabavke ne mora raditi u skladu sa ZJN.

S poštovanjem

Podnosilac inicijative

Aljoša Čampara,
zastupnik u Skupštini Kantona Sarajevo

Sarajevo, 26. 3. 2019. godine